

FEDERALNO MINISTARSTVO POLJOPRIVREDE, VODOPRIVREDE I ŠUMARSTVA

1019

Na osnovu člana 13. stav (4) Zakona o novčanim podrškama u poljoprivredi i ruralnom razvoju ("Službene novine Federacije BiH", broj 42/10), federalni ministar poljoprivrede, vodoprivrede i šumarstva, donosi

PRAVILNIK O IZMJENI I DOPUNAMA PRAVILNIKA O NAČINU I USLOVIMA OSTVARENJA NOVČANE PODRŠKE PO MODELU POTICAJA PROIZVODNJI

Član 1.

U Pravilniku o načinu i uslovima ostvarivanja novčane podrške po modelu poticaja proizvodnji ("Službene novine Federacije BiH", broj 32/17) u članu 9. iza stava (6) dodaje se novi stav (7) koji glasi: "**(7) Kada su u pitanju novčane podrške koje se ostvaruju po grlu, klijent može ostvariti pravo na novčanu podršku za isto grlo samo po jednom osnovu u toku godine.**"

Član 2.

U članu 11 stav (1) tačka c) iza alineje osam dodaje se nova alineja devet koja glasi:

"- zasnovao proizvodnju na području općine ili grada na kojima je proglašeno stanje elementarne nepogode u 2017. godini, oslobada se dostavljanja dokaza za prodati proizvod, a umjesto toga dostavlja dokaz nadležne službe o nastaloj šteti, uz ostale uslove i dokumentaciju za tu vrstu proizvodnje".

Dosadašnji stav "(2)" ovog člana postaje stav "(3)", a dosadašnji stav "(3)" postaje stav "(2)".

Član 3.

U članu 23. stav (1) tačka a), broj: "**2,5**" zamjenjuje se brojem: "**1,5**".

Član 4.

U članu 27. stav (1) iza tačke d) dodaje se nova tačka e) koja glasi:

"e) ukoliko je klijent u predviđenom roku podnio prijavu početka proizvodnje na P-1 obrascu za mjeru koja se odnosi na mliječne krave u sistemu otkupa mlijeka, ista prijava se može koristiti i za proizvodnju svježeg kravljeg mlijeka".

Član 5.

U članu 42. dodaje se novi stav (4) koji glasi:

"(4) nadležna kantonalna ministarstva će u roku od 15 dana od dana stupanja na snagu ovog Pravilnika dostaviti Federalnom ministarstvu obračun klijenata koji ostvaruju pravo na novčanu podršku u 2017. godini za proizvodnju svježeg kravljeg mlijeka na osnovu prijave početka proizvodnje na P-1 obrascu za mliječne krave u sistemu otkupa mlijeka".

Član 6.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 03-1-24/1-95-4/17

Jul/srpnja 2017. godine

Sarajevo

Ministar

Mr. sci. **Šemsudin Dedić**

USTAVNI SUD FEDERACIJE BOSNE I HERCEGOVINE

1020

Ustavni sud Federacije Bosne i Hercegovine, odlučujući o zahtjevu Dopredsjednika Federacije Bosne i Hercegovine za

ocjenu ustavnosti odredbe članka 2. stavak 1. toč. i), j) i k) Zakona o plaćama i drugim naknadama sudaca i tužitelja u Federaciji Bosne i Hercegovine, na temelju članka IV.C.3.10. (2) a) Ustava Federacije Bosne i Hercegovine, nakon javne rasprave, na sjednici održanoj 26.04.2017. godine donio je

PRESUDU

- Utvrđuje se da je članak 2. stavak 1. točka i) u dijelu koji glasi: "za suce Ustavnog suda Federacije Bosne i Hercegovine"; točka j) u dijelu koji glasi: "za šefove odjeljenja Ustavnog suda Federacije Bosne i Hercegovine" i točka k) u dijelu koji glasi: "za predsjednika Ustavnog suda Federacije Bosne i Hercegovine" Zakona o plaćama i drugim naknadama sudaca i tužitelja u Federaciji Bosne i Hercegovine ("Službene novine Federacije BiH", br. 72/05, 22/09 i 55/03) u nesuglasnosti sa Ustavom Federacije Bosne i Hercegovine.
- Nalaže se Parlamentu Federacije Bosne i Hercegovine da u roku od 6 mjeseci, od dana objave odluke u "Službenim novinama Federacije BiH", do kada se može primjenjivati zakon iz stavka 1. izreke ove presude u odnosu na Ustavni sud Federacije Bosne i Hercegovine, uvažavajući relevantne odredbe Ustava Federacije Bosne i Hercegovine i organizacionu strukturu propisanu Odlukom o organizaciji Ustavnog suda Federacije Bosne i Hercegovine ("Službene novine Federacije BiH", broj: 68/10), donese zakon o Ustavnom sudu Federacije Bosne i Hercegovine kojim će razraditi samostalnost i upravno-materijalnu neovisnost Ustavnog suda Federacije Bosne i Hercegovine, uključujući plaće i druga primanja sudaca Ustavnog suda Federacije Bosne i Hercegovine.
- Ukoliko Parlament Federacije Bosne i Hercegovine ne donese zakon sukladno stavku 2. izreke, Ustavni sud Federacije Bosne i Hercegovine će posebnim pravnim aktom urediti pitanja koja obuhvataju samostalnost i upravno-materijalnu neovisnost Ustavnog suda Federacije Bosne i Hercegovine, uključujući plaće i druge naknade sudaca Ustavnog suda Federacije Bosne i Hercegovine.
- Presudu objaviti u "Službenim novinama Federacije BiH" i službenim glasilima kantona u Federaciji BiH.

Obrazloženje

1. Podnositelj zahtjeva i predmet zahtjeva

Dopredsjednik Federacije Bosne i Hercegovine (u daljnjem tekstu: podnositelj zahtjeva), podnio je dana 09.05.2016. godine Ustavnom sudu Federacije Bosne i Hercegovine (u daljnjem tekstu: Ustavni sud Federacije) zahtjev za ocjenu ustavnosti članka 2. točke 1. alineje i) Zakona o plaćama i drugim naknadama sudaca i tužitelja u Federaciji Bosne i Hercegovine ("Službene novine Federacije BiH", br. 72/05, 22/09 i 55/13), u dijelu koji glasi: "Za suce Ustavnog suda Federacije Bosne i Hercegovine", članka 2. točke 1. alineje j) Zakona o plaćama i drugim naknadama sudaca i tužitelja u Federaciji Bosne i Hercegovine ("Službene novine Federacije BiH", br. 72/05, 22/09 i 55/13) u dijelu koji glasi: "Za šefove odjeljenja Ustavnog suda Federacije Bosne i Hercegovine" i članka 2. točka 1. alineje k) Zakona o plaćama i drugim naknadama sudaca i tužitelja u Federaciji Bosne i Hercegovine ("Službene novine Federacije BiH", br. 72/05, 22/09 i 55/13), istog članka u dijelu koji glasi: "Za predsjednike Ustavnog suda Federacije Bosne i Hercegovine" (u daljnjem tekstu: Zakon o plaćama i drugim naknadama sudaca), navodeći da su iste odredbe u suprotnosti sa alinejom 1. Preambule Ustava Federacije Bosne i Hercegovine.

Ustavnopravni temelj za podnošenje zahtjeva sadržan je u odredbi članka IV.C.3.10.(2) a) Ustava Federacije Bosne i Hercegovine, pa je neosporno da je podnositelj ovlašten za podnošenje ovog zahtjeva.